

Ako'y tutula mahaba  
Ako'y umupo na po  
Tapos na nga hugasan  
Ang mga kamay ng mga makata  
Lahat na yata tayo ay makata  
Lahat na yata tayo ay makata  
Gusto ko sanang maniwala

Ikaw nanaman, diba kalalabas mo lang?  
Kung magsulat ka ng kanta para bang papasko lang  
Tila lupang di tigang sa letra mong bilang  
Walang tigil sa pag-agos pinapadulas mo lang  
Di naman super lolo pero bakit sumasabog?  
Ang lahat ng kuha mo kahit di makapal ang apog  
Pinag manhik manaog, ibang klaseng tagalog  
Parang altapresyon sa kumakapal na batok  
Tapos na ang biruan, walang pala-palabok  
Wag kang gumamit ng baldeng butas sa pag-salok  
Magpahagod pagnapagod paghumagok magpadagok  
Laging handa sa pagsusulit kahit walang pasok  
Ang bata na inaral ang Aba Ka Da  
E Ga Ha I La Ma Na Nga O Pa Ra Sa Ta U Wa Ya  
Kung di makasabay sa aking makakaya  
Bumaba ka sa aking pasada, Mama para  
Ibalik ang bayad, sumayad ang speaker sa lakas  
Ng tunog, lumubog ang mga mapangahas  
Na humahamig kahit na hangin lang ang kinahig  
Nag-uunahan sa pagdampot ng putik at ipahid  
Ako ang magaling palaging sinisigaw  
Sa loob ng kaing na may kalburo ang manggang hilaw  
O kandilang tunaw, o itak na bingaw  
Pagpinagsama natin ang dalawa, oo ikaw!  
Matagal-tagal narin po akong nagtatampisaw  
Sa tubig na kung minsan ay parang kanal sa hangin  
Kaya may oras na parang gusto kong bumitaw  
Ngunit salamat sa hindi nagdadala sa akin  
Pero aaminin ko, nakakapanghinayang  
Lisanin ang trabaho na kailangan mong tibayan  
Ang mukha mo, ito'y bago, kabisado na tula to  
Sa mukha mo itaya mo patipato ano kamo?  
Bawat CDng nabenta mo wala pang limampiso  
Ang babalik sayo teka wala kang benepisyo  
Pero ayos lang kasi ito ang yong pinagdasal  
Di man kasing bango ng lahat ng nahahalal  
Mga nakakadinig, sila ang sumatutal  
Pagkakataong humukay ng panibagong bukal  
Na humuhubog sa isip ng mga batang may pangarap  
Kahit anong mangyari wag kang bibitaw sa yakap

Ako'y tutula mahaba  
Ako'y umupo na po  
Tapos na nga hugasan  
Ang mga kamay ng mga makata  
Lahat na yata tayo ay makata  
Lahat na yata tayo ay makata  
Lahat na yata tayo ay makata